



Cumün da Scuol

Dal cussagl cumünal

In sias ultimas sezzüdas ha il cussagl cumünal trattà surtuot las seguaintas fatschendas:

Uras da fanestrigl in chasa cumünala

Daspö principi december 2008 sun stats averts ils fanestrigls in chasa cumünala fin las 19.00. Davo 5 mais s'haja constatà chi'd es gnü fat adöver da quista sporta be modestamaing. Il cussagl nu tilla voul però abolir dal tuot, dimpersè be scurznr ella per ün'ura (avertüra la gövgia fin las 18.00).

Impulsprogramm Schweiz Tourismus

Schweiz Tourismus es landervia da lantschar ün program per dar ulteriurs impuls al turissem in Svizra, quai in vista a la crisa economica mundiala. Ils lös da vacanzas chi lessan profitar da quist program (chi vain sustgnü da la Confederaziun cun 12 milliuns francs) ston pajar üna contribuziun. Il cussagl deliberescha ün import da CHF 20'000.-- per quist intent.

DMO

Fingjà daspö ün temp plü lung es in discussiun da fuormar ün'uscheditta Destinations-Marketing-Organisation (DMO) insembel cun Samignun e la Val Müstair. Il cussagl cumünal ha discus la fatschenda in üna sezzüda cumünailva cun rapreschantants da l'ESTAG per sclerir la situaziun. Il cussagl cumünal es da l'avis chi'd es important da s'ingaschar per unir las forzas.

Pendicularas Motta Naluns: taxas d'attach

Las Pendicularas Motta Naluns han fat la dumonda da pudair pajar las taxas d'attach per aua e chanalizaziun (in connex culs novs stabilimaints) infra 10 ons. Quista pussibilità es gnüda concessa eir a divers hotels, i'l sen d'üna promoziun da l'hotellaria. In considerond la grond'importanza da las Pendicularas pel turissem decida il cussagl d'admetter il pajamaint sur 10 ons.

Cumischiun Trü

Il cussagl cumünal ha institui üna cumischiun chi dess sviluppar ideas per l'avegnir da l'areal da Trü. I's tratta dad avoir daplü sportas resp. activitats

sün Trü per pudair redüer il deficit da gestiun actual. Lapro vain eir discus da spordscher man eventualmaing ad investur privats per realisar novas sportas sün Trü. La cumischiun as cumpuona da las seguaintas personas: Leta à Porta-Ritz (presidenta), Mario Duschèn, Philipp Gunzinger, Jon Domenic Parolini, Jon Roner ed Urs Wohler.

Taxa da schlubgiamaint per prümas abitaziuns

Fingia plü lönch sun in discussiun ulteriuras masüras per restrendscher la fabrica da seguondas abitaziuns. Üna masüra füss d'augmantar la taxa da schlubgiamaint. Patruns da fabrica chi nu lessan realisar ingünas abitaziuns principalas pon as comprar liber in pajond üna taxa chi'd importa actualmaing 20 % da 25% da la valur dal stabilimaint. Tenor ledscha da fabrica as pudescha augmantar quista taxa fin 40 %. Il cussagl nun es persvas scha ün augmaint saja per Scuol la dretta masüra o scha quel pudess avair dafatta consequenzas negativas. El decida da spostar la decisiun fin october 2009, eir in vista a la situaziun economica mundiala na güsta favuraivla.

Terrain da fabrica per indigens

In connex cun vulair tour da nouv illa zona da fabrica terrain da fabrica per chasas per indigens ha il cussagl dat glüm verda per la planisaziun in detagl pel cuntegn sur la via da quartier da Spinatscha. In quel cuntegn vessan lö ca. 8 chasas novas. Ils contrats da cumprita dal cumün culs proprietaris da terrain han pudü gnir suottascrits tuots. Il prossem pass es la preexaminaziun tras l'uffizi chantunal. Davo vaja inavant culla planisaziun, per finir daja üna votumaziun a l'urna.

Cussagl administrativ BES

Il cussagl cumünal ha nominà a Harald Kannewischer sco candidat official davart dal cumün pel cussagl administrativ da la Bogn Engiadina Scuol SA. Intant ha la radunanza generala da la BES SA elet ad el sco nouv commember dal cussagl administrativ.

Credits supplementars per vias

Ils seguaints lös esa stat da renovar urgiaintamaing mürs da sustegn per evitar cha la via sglischa giò da la costa.

Via da la Staziun (da la chasa dad Irma Cantieni aval)

Id es gnüda fatta be üna varianta minimala, quai in vista ad üna sanaziun plü gronda chi'd es previssa in ün pêr ons. Ils cuosts s'amuntan a CHF 25'000.-- (sainza surtratta). Il cussagl ha deliberà quist import.

Via da S-charl (ca. a mezza via tanter la punt e'l spartavias vers Gurlaina)

Quia esa da far ün mür da sustegn chi cuosta ca. 50'000 francs, inschinà bastessa da stabilisar la costa be cun üna chaista da lain. Il cussagl decida da deliberar ün credit maximal da CHF 50'000.--.

PQ Buorna, lavuors d'infrastructura

Per las lavuors d'infrastructura illa zona da mansteranza in Buorna esa da far quint cun cuosts da CHF 700'000.-- fin 800'000.--. I d'eira previs d'etappar quistas lavuors, pel 2009 sun büdschetats CHF 350'000.--. Siond chi gnaran realisats fingià quist on singuls fabricats esa da far però tuot l'infrastructura quist on. Il cussagl decida da deliberar il credit supplementar da brutto CHF 450'000.-- (expensa liada).

Asils da sulvaschina

La società da chatschaders Lischana ha fat propostas a reg. asils da sulvaschina. Il cussagl decida da seguir a quistas propostas quai chi riguarda Sesvenna e'l lai da Pradella. Per discuter sur da l'asil dal Mot Lischana convochescha il cussagl ün inscunter culs differents exponents pertocs.

Club da Tennis

Il cussagl ha deliberà la contribuziun annuala da CHF 6'000.-- al Club da Tennis, davo chi'd ha gnü lö ün inscunter culs respunsabels dal club per sclerir dumondas avertas in connex cun investiziuns ed oter plü.

Maestranzas europeanas da tschoccas per giuvenils

Davo il bun andamaint da las maestranzas svizras da tschoccas sun ils organisaturs gnüts dumandats sch'els füssan interessats d'organisar las maestranzas europeanas per giuvenils chi'd han lö la fin da schner/principi favrer dal 2011. Il cussagl decida da surtour ils cuosts d'infrastructura da la halla da Gurlaina fin ad ün import da CHF 7'000.--, quai in sen d'üna garanzia da deficit.

Open Air "Rock a l'En"

Il cumün ha dat a la band indigena "Influenza" il permiss pel concert open air "Rock a l'En". Quist arrandschamaint ha lö sco fingià i'ls ons passats giò'n Suronnas, e quai als 8 avuost 2009.

Disco Sounds: fumoir

Aint illa disco "Sounds" sün Trü dess gnir drizzà aint ün fumoir, quai per evitar cha tuot ils fümaders as trategnan our'il liber e disturban la quietezza nocturna. Il cussagl deliberescha ün import da CHF 30'000.-- per quist intent.

Surdattas da lavuors

Ascensur extern pella chasa da scoula

Direcziun da fabrica: Architectura Feuerstein, Scuol

Impressari: Bezzola Denoth SA, Scuol

Fanestras: Künzli Holzbau AG, Tavo

Demontaschas e prümas installaziun electricas: Impraisa electrica Scuol

Furniziun e montascha da l'ascensur: Schindler Aufzüge AG, Cuaira

Allontanamaint da l'aua persa Stradun - Plai, 2. etappa

Survagianza da fabrica: Caprez Indschegners SA, Scuol

Impressari: Bezzola Denoth SA, Scuol

Restructuraziun da la chasa EE

Lavuors da planisaziun: Architectura Castellani & Bulfoni, Scuol

Planisaziun dal s-chodamaint: René Bundi, Scuol

Attach Prà da Bügl, etappa 2009

Impressari: Bezzola Denoth SA, Scuol

Surtrattas: Implenja Bau AG, Scuol

Serrurier: Jachen Bischoff, Scuol

Dumondas da fabrica

Il cussagl resp. la direcziun han dat ils seguaints permiss da fabrica:

- Hotel Gabriel: seguonda lobia vi da la fatschada vers ost.
- Dominique Mayor suost per velos aint in S-charl
- Renata + Walter Münch: fabricar oura il palantschin da la chasa nr. 35 in Punt
- Ospidal d'Engiadina Bassa: terrassa vi da la fatschada ost
- Pendicularas Motta Naluns: levar il traget per ir aval cun velos da muntogna (Downhill)
- Sabine Schegg: seguonda garascha sün parc. in Schinnas
- Christian + Ursulina Casanova: era tampriva (serra) sün parc. 621 in Sotrachögna
- Arthur Schlatter: chasa cun pratcha ed abitaziun sün parc. 519 sper il Stradun
- Allod Immobilien AG: 4 chasas d'abitar sün parcella 1064 in Schinnas
- Martin Sutter: fabricar intuorn üna part da la chasa 84 in Fora
- Andreas + Juliette Wichert / Armin + Barbara Portmann-Fried: garascha cun tschuffa e terrassa in Porta
- dr. Men e Maja Bischoff: clinica per bes-chas in Buorna
- famiglia dr. Bernd Frankenberger-Simon: chasa d'abitar sü Liuns

La direcziun ha dat divers permiss per progets plü pitschens sco müdamaints interns, renovaziuns da fatschadas e da tets, reclomas da fabrica, sondas geotermicas eop. sco eir per plazzar cabinas da las pendicularas.

Il cussagl ha plünavant refüsà ün recuors entrà cunter la dumonda da fabrica da l'Allod Immobilien AG in Schinnas.